

Sondaj Kominotè sou Ekite nan Sante 2023

Paj Konsantman

Objektif Sondaj sou Ekite nan Sante Kominotè a se pou ede kominote yo amelyore kondisyon ki ka fè enpak sou sante. Pou amelyore sante tout moun nan Massachusetts, nou bezwen tande moun ke yo te refize bay opòtinite egal nan sante.

Se rezidan ak òganizasyon kominotè atravè eta a ki te ede kreye sondaj sa a..Lè w reponn kesyon sondaj sa a, kontribisyon ak eksperyans ou vin ede nan pwosesis pran desizon an. Depatman Sante Biblik pral sèvi ak enfòmasyon li ranmase nan sondaj sa a pou li asire li ke pwogram sante yo reponn ak bezwen tout moun nan Massachusetts. Pi devan pandan ane a, ou ka vizite sitwèb nou an <https://www.mass.gov/chei> pou eksploré rezulta yo, ak aprann plis sou eksperyans ou nan kominote w la.

Kominote yo ka sèvi ak rezulta sondaj la pou fè chanjman k ap bay chak moun yon chans pou gen aksè ak pi bon sèvis sante, tankou mande ak depanse lajan pou reponn ak bezwen kominote a, amelyore komunikasyon ak rezidan yo, epi kreye politik pou sipòte moun k ap fè fas ak obstak enjis nan kesyon sante. Istwa w la ka bay avni nou fòm.

Kiyès ki ka pran sondaj sa a? Ou ka pran sondaj sa a si w:

- Genyen laj 14 lane oswa plis
EPI
- Viv nan Massachusetts pandan kèlke ane oswa pandan tout lavi

Konsènan sondaj la:

Repons ou yo anonim epi yo p ap pèmèt moun idantifye w. Jeneralman sondaj sa a pran 20 minit pou w reponn kesyon yo.

Sondaj sa a pral poze kesyon sou:

- Aksè w ak bezwen bazik tankou swen sante ak transpò
- Sante fizik ak mantal ak byennèt ou
- Eksperyans ou ak COVID-19, ki genyen ladann sentòm k ap kontinye
- Eksperyans ou ak lojman, edikasyon, ak travay
- Enfòmasyon bazik sou ou tankou laj, sèks, ras, ak kote w ap viv (**nou pa mande enfòmasyon ki ka pèmèt yo idantifye w**)

Nan fen sondaj la w ap jwenn yon lyen resous pou ede w konekte ak bagay tankou manje ak asistans ekonomik, sante mantal ak sèvis itilizasyon sibstans, ak resous pou paran.

Patisipasyon w nan sondaj sa a konplètman ochwa. Ou ka chwazi sote nenpòt kesyon ke w pa vle reponn. Ou gendwa kanpe sondaj sa a nenpòt lè ak pou nenpòt rezon.

Genyen yon nivo risk tou piti pou reponn kesyon sondaj sa a. Gen kèk kesyon ki sou sijè ki gendwa fè w sonje move souvni, angwas oswa estrès. **Ou gendwa pran yon poz oswa sispann pran sondaj la si w santi w enkonfòtab.** Ou p ap jwenn ankenn avantaj dirèk pou w reponn kesyon sondaj sa a, men

enfòmasyon ke w pataje yo pral ede Depatman Sante Biblik (MA-DPH) konprann pi gwo bezwen rezidan Massachusetts yo yon fason pou yo bay sipò kote ki genyen plis nesesite epi travay ak kominote yo pou atenn pi wo nivo nan sante.

Èske w genyen kesyon?

Si w genyen nenpòt kesyon sou sondaj sa a, tanpri voye yon imèl bay Inisyativ Ekite nan Sante Kominotè nan chei@mass.gov.

Konsèy Revizyon Enstitisyonèl MA-DPH (MA-DPH IRB) te apwouye rechèch sa a pou asire ke li reponn ak estanda règlemantasyon ak etik ki nesesè pou pwoteje patisipan yo. Si w swete pale ak yon moun nan MA-DPH IRB, ou gendwa kontakte li nan DPH.IRB@mass.gov oswa pa telefòn (617) 624-5647.

Mèsi pou tan w ak enterè w nan sondaj sa a epi paske w pataje eksperyans ou avèk nou!